



პარტიული აქტივის კრებებზე

მთელი ქალები—სკკპ XX ყრილობის გადაწყვეტილებათა შესრულებას

ბათუმი. (საკ. კორ.). 21 მარტს შედგა საქალაქო პარტიული ორგანიზაციის აქტივის კრება. მოხსენება სკკპ XX ყრილობის შედეგებისა და ბათუმის საქალაქო პარტიული ორგანიზაციის ამოცანების შესახებ გააკეთა საქართველოს კომპარტიის ცენტრალური კომიტეტის პირველი მდივანი ამხ. ვ. პ. მუავანაძემ.

— საბჭოთა კავშირის კომუნისტური პარტიის XX ყრილობა, — თქვა ამხ. ვ. პ. მუავანაძემ, — უდიდესი მნიშვნელობის მოვლენაა ჩვენი პარტიის და საბჭოთა ხალხის ცხოვრებაში, საერთაშორისო კომუნისტური და ბუშათა მოძრაობის ისტორიაში. ყრილობამ, რომელიც მარქსიზმ-ლენინიზმის ყოვლისმძლე იდეების ნიშნით ჩატარდა, ცხადყო ჩვენი პარტიის უძლეველი ერთიანობა, მისი დარაზმულობა თავისი ნაცადი კოლექტიური ხელმძღვანელის — ლენინური ცენტრალური კომიტეტის გარშემო. ყრილობის მთელი მუშაობა წარმოადგენს ახალი ისტორიული გამოცდილების საფუძველზე მარქსისტულ-ლენინური თეორიის შემდგომი შემოქმედებითი განვითარების ნიმუშს.

— მთელ საბჭოთა ხალხთან ერთად, — ამბობს მომხსენებელი, — საბჭოთა საქართველოს მშრომელები, რესპუბლიკის პარტიული ორგანიზაციები მზურვალედ იწონებენ XX ყრილობის ისტორიულ გადაწყვეტილებებს და განუხრელად ხელმძღვანელობენ ამ გადაწყვეტილებებით თავიანთ შემდგომ მუშაობაში.

მომხსენებელი და კამათში გამოსული ამხანაგები ლაპარაკობდნენ იმის შესახებ, რომ ამჟამად პარტიული ორგანიზაციების მთელი ძალები და საქმიანობა მიმართული უნდა იყოს იქითკენ, რათა პრაქტიკულად განახორციელონ სკკპ XX ყრილობის გადაწყვეტილებანი.

აქტივის კრების მონაწილეებმა განსაკუთრებული ყურადღება მიაქციეს მრეწველობის შემდგომი მძლავრი აღმავლობის საკითხებს. აღინიშნა, რომ სამრეწველო საწარმოთა პარტიულმა

ორგანიზაციებმა სკკპ ცენტრალური კომიტეტის ივლისის პლენუმის შემდეგ გააუმჯობესეს მუშაობა წარმოების შემდგომი სრულყოფისა და ახალი ტექნიკის დანერგვის საქმეში. მაგრამ ეს მხოლოდ დასაწყისია. ორატორებმა ყურადღება გაამახვილეს იმაზე, რომ ქალაქის საწარმოთა ერთი ნაწილი ჯერ კიდევ არადაამაკმაყოფილებლად მუშაობს. თევზის ქარხანა, ხორცოპროდუქტი და სხვა საწარმოები ჩამორჩებიან საერთო პროდუქციის გამოშვების გეგმების შესრულებაში. მთელი რიგი საწარმოები ვერ ასრულებენ გეგმებს ასორტიმენტის მიხედვით, სუსტად წარმოებს ბრძოლა მეცნიერებისა და ტექნიკის მიღწევების, აგრეთვე მოწინავე გამოცდილების დანერგვისათვის.

სტალინის სახელობის ნავთობგადამამუშავებელი ქარხნის პარტიურის მდივანი ამხ. ნ. პრიხოდკომ ილაპარაკა საწარმოს კოლექტივის იმ დიდ პოლიტიკურ და შრომით აღმავლობაზე, რომელიც პარტიის XX ყრილობის გადაწყვეტილებებმა გამოიწვია. საერთო პროდუქციის გამოშვების ორი თვის დავალება ქარხანამ შეასრულა 107,2 პროცენტით, შრომის ნაყოფიერება გაზარდა 5,4 პროცენტით.

რკინიგზის ბათუმის კვანძის პარტიული კომიტეტის მდივანი ამხ. ი. ტყეშელიაძემ აღნიშნა, რომ აუცილებელია შემდგომ გაძლიერდეს ბრძოლა რკინიგზელთა კულტურულ-საყოფაცხოვრებო პირობების გაუმჯობესებისათვის. მან გააკრიტიკა ამიერკავკასიის რკინიგზის სამმართველოს ხელმძღვანელობა, რომელიც ნაკლებად დაინტერესებულია საცხოვრებელი ბინების მშენებლობის ტემპის დაჩქარებით.

კომკავშირის ბათუმის საქალაქო კომიტეტის მდივანი ამხ. ვ. გეგელიამ თავისი გამოსვლა მიუძღვნა ახალგაზრდობაში პოლიტიკურ-აღმზრდელობითი მუშაობის გაუმჯობესების საკითხებს. ტყავის ქარხნის კომკავშირის კომიტეტის მდივანი ამხ. ნ. ზადოვნიმ აქტივის კრების მონაწილეებს უამბო

იმაზე, თუ როგორი მუშაობა მიმდინარეობს საწარმოში ახალგაზრდობის საბჭოთა პარტიოტიზმისა და ხალხთა მეგობრობის სულისკვეთებით აღზრდისათვის.

— ინჟინერ-ტექნიკურ მუშაკთა კვალიფიკაციის ამაღლების მიზნით, — თქვა კოფეინის ქარხნის საამქროს უფროსმა ამხ. მ. რუსიეშვილმა, — აუცილებელია ქალაქში მოეწყოს ტექნიკის სახლი.

პარტიის XX ყრილობის ისტორიულ გადაწყვეტილებათა პრაქტიკულად განხორციელება მოითხოვს, რომ გადაჭრით გაუმჯობესდეს პარტიულ-ორგანიზაციული და იდეოლოგიური მუშაობა. აქტივის კრებაზე აღინიშნა, რომ საქირთა სწრაფად დაეძლიოთ იდეოლოგიური მუშაობის მოწყვეტა ცხოვრებისაგან, კომუნისტური მშენებლობის პრაქტიკული ამოცანებისაგან, მჭიდროდ დაუკავშიროთ პროპაგანდა და აგიტაცია საწარმოთა კონკრეტულ ამოცანებს, ფართოდ განვუმარტოთ მასებს ისტორიაში პიროვნების როლის მარქსისტულ-ლენინური გაგება.

აქტივის კრებაზე სიტყვებით გამოვიდნენ აგრეთვე მიქოიანის სახელობის თამბაქოს ფაბრიკის დირექტორი ამხ. ს. ზოიძე, სახელმწიფო პედაგოგიური ინსტიტუტის დირექტორი ამხ. ვ. ქემხაძე, სავაგონო დეპოს უფროსი ამხ. მ. ფირცხალავა, აქარკურორტვაჭრობის დირექტორი ამხ. ნ. დოლიძე, ბათუმის საქალაქო საბჭოს აღმასკომის განათლების განყოფილების გამგე ამხ. გ. ქათამიძე, პარტიის ბათუმის საქალაქო კომიტეტის პირველი მდივანი ამხ. ლ. უკლება და სხვ.

აქტივის კრებამ ერთსულოვნად მიიღო რეზოლუცია, რომელშიც ნათქვამია, რომ ბათუმის საქალაქო პარტიული ორგანიზაცია კიდევ უფრო მჭიდროდ დაირაზმება სკკპ ლენინური ცენტრალური კომიტეტის გარშემო, სათავეში ჩაუდგება მშრომელთა პოლიტიკურ და შრომით აქტივობას და მთელ თავის ძალასა და ენერჯიას მოამარს კომუნისტური მშენებლობის იმ დიადი პროგრამის განხორციელებას, რომელიც XX ყრილობამ დასახა.

# იდეოლოგიური მუშაობა — ყუკადღების სანჯრუი

ბორი. (საგ. კორ.). გაიმართა გორის საქალაქო პარტიული ორგანიზაციის აქტივის კრება. პარტიის XX ყრილობის შედეგებისა და გორის საქალაქო პარტიული ორგანიზაციის ამოცანების შესახებ მოხსენება გააკეთა საქართველოს კბ ცენტრალური კომიტეტის მდივანმა ამხ. დ. ვ. მჭედლიშვილმა.

— საბჭოთა კავშირის კომუნისტური პარტიის XX ყრილობამ, — თქვა მომხსენებელმა, — ჩვენს ქვეყანას დაუსახა კომუნისტური საზოგადოების მშენებლობის ახალი დიდი ამოცანები, შემოქმედებითად განავითარა მარქსისტულ-ლენინური თეორია. ყრილობის მთელი მუშაობა წარმოადგენდა კომუნისტური პარტიის ურდვევი ერთიანობის, ლენინური ცენტრალური კომიტეტის გარშემო მისი მჭიდრო დარაზმულობის ბრწყინვალე დემონსტრაციას.

მომხსენებელმა და მოკამათებებმა ილაპარაკეს იმ დიდ ამოცანებზე, რომლებიც უნდა გადაჭრან ახალ ხუთწლიურში საქალაქო პარტიულმა ორგანიზაციამ, გორის ყველა მშრომელმა.

მეექვსე ხუთწლიანი გეგმის შესახებ ყრილობის დირექტივებში გათვალისწინებულია ამუშავდეს გორის ბამბეულის კომბინატის მეორე რიგი. აქტივის კრებაზე გორის ბამბეულის კომბინატის დირექტორმა ამხ. ბ. სლუცკიმ ილაპარაკა კომბინატის მეორე რიგის მშენებლობის მიმდინარეობასა და გორელ ფეიქართა შრომითს აღმაფლობაზე, რაც XX ყრილობის გადაწყვეტილებებმა გამოიწვია. მან აღნიშნა, რომ უკანასკ-

ნელ პერიოდში კომბინატის კოლექტივმა აითვისა ახალი ქსოვილების — მარკიზეტის, შიფონის, ბატისტის, ვუალკრების ქსოვა. ამ ქსოვილების საბოლოო გამოყვანისათვის გამოიყვანა ფაბრიკაში დამთავრდა სამერსერიზაციო აგრეგატის დადგმა. საერთო პროდუქციის გამოშვების მიმდინარე წლის იანვარ-თებერვლის გეგმა კომბინატმა 109,7 პროცენტით შეასრულა.

გორის რაიონის ბილისა და ბოსტნეულის ბაზაზე მუშაობს საკონსერვო ქარხანა. ქარხნის დირექტორმა ამხ. ლ. ხარატიშვილმა აქტივის კრებაზე მოიყვანა ციფრები იმის ნათელსაყოფად, თუ როგორ გაადრდებს ახალ ხუთწლიურში ქარხანა კონსერვებისა და მურაბების გამოშვებას. მან დააყენა საკითხი ქარხანასთან ბილბოსტნეულის მალფუჭადი ნედლეულის შესანახად მაცივრის აგების შესახებ.

მეექვსე ხუთწლიურში განვითარების დიდი პერსპექტივები აქვს დასახული ქალაქის ადგილობრივ მრეწველობას. ამ პერსპექტივების შესახებ ილაპარაკა სამრეწველო კომბინატის დირექტორმა ამხ. დ. თავზარაშვილმა.

აქტივის კრებაზე დიდი ყურადღება მიექცა იდეოლოგიური მუშაობის საკითხებს. მასებში პოლიტიკურ-აღმზრდელობითი მუშაობის გაძლიერებაზე ვრცლად ილაპარაკა თავის გამოსვლაში კომუნისტმა ამხ. მ. დუბენსკიმ. როგორც აქტივის კრებაზე აღინიშნა, მიუხედავად იმისა, რომ ქალაქის პირველადი პარტიული ორგანიზაციები უკანას-

კნელ ხანს კიდევ უფრო განმტკიცდნენ იდეურ-პოლიტიკურად და ორგანიზაციულად, იდეოლოგიურ მუშაობაში ჯერ კიდევ სერიოზული ნაკლოვანებებია. პიტეშლან მჭრტიული ორგანიზაციების ერთმა ნაწილმა შეასუსტა პოლიტიკურ-აღმზრდელობითი მუშაობა. ეს ითქმის უმთავრესად ბარათაშვილის სახელობის სახელმწიფო პედაგოგიური ინსტიტუტის და ქალაქის ზოგიერთი სასკოლო პირველადი პარტიული ორგანიზაციის შესახებ.

პარტიული აქტივის კრების მონაწილენი ვერ დააკმაყოფილა სახელმწიფო პედაგოგიური ინსტიტუტის პარტიულ-ორის მდივნის ამხ. ა. შაყულაშვილის და ქალაქის განათლების განყოფილების გამგის ამხ. ი. ჯამბრიშვილის გამოსვლებმა. აქტივის კრებამ პარტიისა და კომკავშირის საქალაქო კომიტეტებისაგან მოითხოვა სწრაფად გამოასწორონ იდეოლოგიურ მუშაობაში არსებული ნაკლოვანებანი.

აქტივის კრებაზე სიტყვით გამოსული ყველა ამხანაგი ერთსულოვნად იწონებდა პარტიის XX ყრილობის გადაწყვეტილებებს. მიღებულ რეზოლუციაში ნათქვამია, რომ გორის საქალაქო პარტიული ორგანიზაცია, რომელიც შეიარაღებულია XX ყრილობის ისტორიული გადაწყვეტილებებით, შემდგომ გააუმჯობესებს პარტიულ-ორგანიზაციულ და იდეოლოგიურ მუშაობას და ახალ წარმატებებს მოიპოვებს ყრილობის მიერ დასახული ამოცანების განხორციელებისათვის ბრძოლაში.



საქალაქო პარტიული ორგანიზაციის მდივანმა ამხ. დ. ვ. მჭედლიშვილმა